



ღ რ რ ე შ ე შ

სურათებიანი დამატება

გაზეთის № 59.

კვირა, 15 მარტი 1909 წ.

დამატების № 11.

სახიფათო სიყვარული

ისტორიული მოთხრობა

(შემდეგი *)

33

ქალის ძებნა მტკვრის გაღმაც უნაყოფოდ ჩაივილიდა და ფარნაოზი ვერ მისწვდებოდა საწადელს, თუ შემთხვევა არ შეეშველებდა მას.

ქალი რომ დაიკარგა, იმ ხანებში ხომ თავი იჩინა მეფის წინააღმდეგ შეთქმულებამ. შეთქმულთ არ გაუმარჯვდათ: იორამ სააკაძემ ანაზღად გაანადგურა იმათი ძალა, შეიპყრო მეთაურნი და მიჰგვარა მეფეს. ყაფლან არსიანელიც ხომ სწორედ მაშინ დააპატიმრეს.



ფანათი ნინოშვილი
(მისი ძეგლის აგების გამო).

ხმა გავარდა, სასტიკი სასჯელი მოელის შეთქმულებსო, იმათ ველარავინ ვერ დაიხსნის სიკვდილისაგანაო; ყაფლან არსიანელსაც აღარ დაინდობენ, გასწირავენო. ამ ხმამ ფარნაოზამდისაც მიაღწია. ეს იყო მიზეზი, რომ ქაბუკი ცოტათი გამოფხიზლდა თავის სევდისაგან და ჩაბრუნდა თბილისში, იქნება როგორმე მოვარხერხო აღმზრდელის ან დახსნა, ან სასჯელის შემსუბუქებაო.

მართლა და სასტიკად დასაჯეს მოღალატეები: გიორგი გოჩაშვილს თვალები დასთხარეს, ქათალიკოზ ევდემოზ დიასამიძეს განჯის კარიდან გადმომზღვრევა მიუსაჯეს, სხვებიც ყველანი ძალიან დააზარალეს. ყაფლანის დასჯა კი ჯერ გა-

*) იხ. დამატება № 10.

დასდეს, რადგან არა სჩანდა, რომ ისიც შეთქმულთა ჯგუფში ერიო.

სასჯელის წინ ევდემოზ ქათალიკოზმა უეცრად მოითხოვა, ნება მიეცათ მისთვის პირისპირ ენახა ყაფლან არსიანელი. გაუკვირდათ ევდემოზის ესეთი სახიფათო სურვილი.

—უნდა მოესაზრებინა საბრალოს, რომ მისი სურვილი ეხლა დიდად სავნებელია ყაფლანისათვის, რადგან დაამტკიცებს, რომ მათ შორის საიდუმლო რამე ამბავი ყოფილა და შეთქმულებაში მასაც მონაწილეობა მიუღია, — ამბობდნენ ყველანი.

სწორედ ასეც იმოქმედა ამ ამბავმა მეფის მახლობლებზე: მათ მოითხოვეს ყაფლანის დასჯაც. მეფე არ დასთანხმდა, არსიანელის ლალატში მონაწილეობა გამორკვეული ჯარ არისო და ევდემოზსაც ნება მისცა პირისპირ ენახა ყაფლანი. ქათა-




რუსეთის გამოჩენილი მწერალი ნ. ზ. გოგოლი

20 მარტს ასი წელიწადი სრულდება, რაც გოგოლი დაიბადა.

ლიკოზმა ინახულა პატიმარი და მძიმე ცოდვა აღიარა მისწინ:

— შეთქმულებს გვინდოდა სასახლეშიც გვეპოვნა ძლიერი თანამოაზრე და თანამგრძნობელი. ამ მიზნით მე და გოჩაშვილი დაუახლოვდით დედოფალს. დედოფალი დიდად უკმაყოფილო იყო მეფისა და მოსისხლე მტერი მეფის მახლობელთა. მეტადრე იორამ სააკაძე სძულდა, რადგან მათ განიზრახეს მეფის განქორწინება და შენი ქალის მოყვანა დედოფლად.



პროფესორი ნიკოლოზ მარრი

პრ. მარრი ეხლა სამეცნიერო აკადემიის წევრად აირჩიეს.

დღეოფალი ჯერ მოგვეყვა, ჩაგვითრია, გამოგვეტყუა საიღუმლო და მერე საშინელი მსხვერპლი მოგვთხოვა: დაგვაგალა მოგვესპო თქვენი ქალი და სამუდამოდ მოგვეშორებინა მისთვის მეტოქე.

— მერე? მოჰკალით ჩემი ქალი, მოჰკალით?! — ჩაეკითხა ათრთოლებულის ხმით ყაფლანი.

— არა! გვიბრძანა ქალის მოკვლა და თან ცხადად გვაგრძობინა, რომ უარი მრისხანებას გამოიწვევდა მის მხრივ და შურისძიებას. საშიში იყო: გავცემდა, დავგულუბავდა, ჩვენ დაწყებულებას ჩაშლიდა. სულ კი გოჩაშვილის საქმე იყო ამეების დაწყება და საიღუმლოს გაცემა. ღმერთმა აპატიოს! მეტი რაღა გზა იყო? გავებით მის მახეში და უნდა აგვესრულებინა მისი ბრძანება.

— და აღასრულეთ უკეთური განძრახვა თქვენი?!

— მომისმინე, შვილო ყაფლან, მომისმინე! კაცის კვლას ხომ ვერ ვიტვირთებდი და ვერ შევბღალავდი უმანკო სისხლით ამ მარჯვენას, რომლითაც ტარიგსა ვწირავდი წმიდა ტრაპეზზე! სხვა ხერხი მოვიგონე: ვუბრძანე ჩემს საყვარელ ძმისწულ სარიდონს გაეტაცნა ის ქალი და დაემალნა ისე, რომ ვერვის შესძლებოდა მისი ამბის გაგება. ვამცნე, რომ ამ საიღუმლოს შენახვაზე იყო დამოკიდებული თვით ჩემი სიცოცხლე. ამხანაგად ვაახელ დიდად გამოცდილი და ერთგული ჩემი ყმა. ძალიან მოხერხებულად შეესრულებინათ ჩემი დავალება.

— მაშ ისევ ცოცხალია ჩემი ქალი?!

— ჩემის აზრით ცოცხალი უნდა იყოს. სარიდონი აღბად თავის სახლში მიიყვანდა მას, ერწოში, მდინარე აძეძის მარჯვნივ, სოფელ გვირაბიანში. ეს მინდოდა მომეხსენებინა თქვენთვის, ბატონო ყაფლან, და მეთხოვნა გეპატიებინათ ჩემთვის საშინელი შეცოდება ჩემი, — დაათავა ევდემოზმა და მიწამდის თავი მოუხარა ყაფლანს.

— ყოველივე შეუნდოთ ერთმანეთს, რადგან მალე უნდა წარვსდგეთ წინაშე საშინელსა სამსჯავროსა ქრისტესსა! — მიუგო ყაფლანმა და ეამბორა ქათალიკოზს.

დიდი ცნობის-მოყვარეობა აღძრა ამ საიღუმლოებით მოცულმა ნახვამ, დიდი მითქმა-მოთქმა გამოიწვია. ათასგვარ მოსაზრებას მოუთხრობდნენ ამ შეხვედრის შესახებ; ცდილობდნენ გამოეცნოთ საიღუმლო საუბრის საგანი. ბოლოს ყველანი იმ აზრს დაადგნენ, ძნელი რამ გაანდო ყაფლანს შეთქმულობის შესახებო.

როდესაც ფარნაოზმა გაიგო ეს ამბავი, მაშინვე გულმა უგრძნო, რომ საქმე უნდა შეჰხებოდა პირად ყაფლანს ან მის ოჯახს, რადგან იცოდა, რომ ყაფლანს არავითარი დამოკიდებლობა არა ჰქონდა შეთქმულებთან.

— იქნება ტასიკოს დაკარგვის ამბავს შეეხებოდა იმათი უკანასკნელი საუბარი, — გაიფიქრა ფარნაოზმა.

რახან ერთხელ გულმა ესე უთხრა ფარნაოზს, მისმა აზრებმაც ესეთივე მიმართულება მიიღეს და ათასი იმედი დაუხატა განურებულმა ოცნებამ. როცა ფარნაოზმა თვისი მოსაზრება გადასცა თევდორეს, რომელიც, ბატონის დასჯის მომლოდნელი, ქალაქშივე იყო, იმანაც ჰკუთხა ახლო სცნო ეს მოსაზრება.

ეხლა საქირო იყო როგორმე ენახათ ყაფლანი ან თევდორეს ან ფარნაოზს, მაგრამ თევდორეს ნება არ მისცეს ბატონის ნახვისა, ხოლო ფარნაოზს ურჩიეს ნაცნობებმა, არამც და არამც არ გაეცხადებინა თავისი თავი, რადგან იმასაც დალატს დასწამებდნენ არსიანელივით და საპყრობილეში ჩაადებდნენ.

ფარნაოზი მაინც ვერა სცხრებოდა. ის გაიტაცა ყაფლანის ნახვის სურვილმა და სცდილობდა როგორმე მოეხერხებინა ეს.

34


როსტომ მეფემ როცა ახალი სამეფო პალატები ააშენა ტფილისში, ძველ საძირკველზე ამოიყვანა შენობა, მხოლოდ გაამაგრა ეს საძირკველი, გაათართოვა და წაუშატა ქვეით მტკვრის ჩაყოლებით. არც საქირო იყო ახალ საფუძვლის ამოყვანა: აქ სალი კლდეა მტკვრის ნაპირას და ამ კლდეში იყო ძველი საძირკველი გაჭრილი. დულაბია ჩასხმული და ისეთი შეურყეველი რამ კედელია ამოყვანილი, რომ მისთვის დღევანდლამდისაც ვერ დაუტრიახა ხელი ვერც მძვინვარე მტკვარს, ვერც ჟამთა ბრუნვას. რომ მაინც უკეთ დაეცვათ მდინარისაგან შენობა, რამდენიმე ბურჯი წასწიეს წინ. ეს ბურჯები დღესაცა სდგას და მედგარ წინააღმდეგობას უწევს მდინარეს.

ეს საძირკველი ძირში ბითუმი იყო, ხოლო ზევით წვრილ-წვრილი სარდაფები ჰქონდა დატანებული, მთლად თალად ნაქცევნი. ამ სარდაფების ძლიერ ვიწრო და მაღალი ფანჯრები მტკვარს ესე ორი ადლის სიმალიდან დაჰყურებდა. ფანჯრებს შუაზე ბორჯღიანი რკინა ასდევდა. ეს ფანჯრები და თითონ ჯურღმულები უფრო საქარეებსა ჰგვანდა, ჰაერის სამუშაოთ დატანებულებს. ადიდებული მტკვარი ხანდისხან უწევდა ამ ფანჯრებს და ჯურღმულებს, მაგრამ რას დააკლებდა ქვაზედ უმაგრეს კედლებს! ზევიდან ქვის ვიწრო ხვეული კიბე ჩასდევდა ამ სარდაფებამდის.



სარლარ-შახმაზი,

რეპტის გუბერნატორი, რომელიც სპარსელმა რევოლიუციონერებმა ქალაქის აღების დროს მოჰკლეს ამ თვე ნახევრის წინად.



ბული, რომელსაც ბავშვები მიჰყავს სკოლაში (საზრანგეთში)

ამ ჯურღმულების ზევით იყო გამწკრივებული თალიანი-ვე ფართო და ნათელი სარდაფები, რომლებიც შეადგენდნენ სასახლის საკუჭნაოს და სავსე იყვნენ ყოველივე კეთილით-ამ სარდაფების ზევით იდგნენ თვით პალატები მეფისა. მარჯვნივ და მარცხნივ მდინარის პირს გასდევდა სასახლის წალკოტი, ანჩისხატიდან ავლაბრის ხიდამდის. მთელ ამ წალკოტის სიგრძეზე მტკვრის პირ-პირ ჩასდევდა დუღაბითვე ამოყვანილი კედელი და იმის დაყოლებით ადგილ-ადგილ წარდგმული ბურჯები.

როსტომს ძალიან უყვარდა ამ წალკოტში განცხრომა. შეექცეოდა ხოლმე ყავას თუ ყალიონს თალარის ქვეშ.

ყაფლანი რომ შეიპყრეს, უნდოდათ სხვა მოღალატეებთან ერთად ისიც ნარიყალაში დაეპატიმრებინათ, მაგრამ მეფემ არ ისურვა ეს და უბრძანა ჩაეგდოთ ჯურღმულში სასახლის ქვეშ. იქნება იმ აზრითაც იყო დატანებული ეს ჯურღმულები, რომ საჭირო შემთხვევაში საპყრობილედაც გამომდგარიყვნენ. ამგვარად ერთი ამ საკანთაგანი შეიქმნა ყაფლან არსიანელის საპყრობილედ.

რა აზრი ჰქონდა როსტომ მეფეს, რა ფიქრი უთამაშებდა თავში, როდესაც დაიფარა სიკვდილისაგან ეს კაცი და სასახლის ქვეშ დააპატიმრა? იქნება ეგონა, თითონ ყაფლანმა გადაამალვინა თავისი ქალი და იმედი ჰქონდა გამოუტყდებოდა მეფეს, რომელმაც დიდი წყალობა მოიღო მასზე და სიკვდილიდან დაიხსნა. ამით ხომ არსიანელი მადლობასაც გადუხდიდა მეფეს და დამხობილ დიდებასაც კვლავ აღიდგენდა. ვინ იცის, სიყვარულით შეპყრობილი გული ძნელად ეძლევა სრულ უიმედობას, ვერ ცივდება სრულიად ერთხელ გრძობით ადგზნებული და მასში ძირიანად არ იფხვრება სატრფოსადმი ლტოლვილება.


მოსწყდა ყაფლანი ქვეყანას, სოფლის ხმაურობა აღარ აღწევდა მის ნესტიან და ბნელ საკანს. მხოლოდ მტკვარი ჩაჰხრიალებდა ყურში, ამბებს მოუთხრობდა. მაგრამ მტკვრის საუბარი ჯერ სულ უცხო იყო ყაფლანისთვის, ვერ შეეგნო იგი საუბარი და მხოლოდ ბეზარს მოჰყვანდა პატიმარი მის განუწყვეტელ ჩახრიალს, ან შიშის ზარსა სცემდა უკუნეთ ღამეში.

არ ეცალა პატიმარს ყურადღებით ესმინა მტკვრის თხრობები და შეეგნო მისი ნათქვამი. ყველაფერი დაჰვიწყებოდა ეხლა ყაფლანს, თავისი პატიმრობაც კი, და მხოლოდ ერთ აზრს შეეპყრო მისი გონება, ერთ გრძობას გაემსკვალა მისი გული, ერთ ნდომას დაეჩრდილა ყველა მისი მისწრაფება :

მისი ყურადღება მიქცეული იყო მხოლოდ დაკარგულ ქალზე, მისი ერთად ერთი სურვილი იყო გაეგებინებინა ვინმე ერთგულისათვის ის საიდუმლო, რომელიც უთხრა მას ევდემოზმა; თორემ დაიკარგებოდა ის კვალი, რომლითაც მხოლოდ შესაძლო იყო მიეგნოთ დაკარგულის ბინა. ეს სურვილი ცეცხლის ასოებით აღებეჭდა პატიმრის გახურებულ ტვინს.

ვისთვის უნდა გადაეცა ეს თავისი საიდუმლო ან როგორ? ერთ-ერთი ასეთი ადამიანი იყო ფარნაოზი; მხოლოდ იმისთვის შეიძლებოდა ეთქვა სათქმელი, მხოლოდ მას შეეძლო ქალის მიკვლევა და დახსნა, მხოლოდ მას შეეძლო სიხარულით აესრულებინა ეს და თავი დაედო მისთვის. მაგრამ სად იყო ეხლა ფარნაოზი?

„იქნება კიდევ დაიღუპა იქ, სადაც იყო გაგზავნილი. იქნება მასაც ცილი დასწამეს, მოღალატე ხარო და დააპატიმრეს. იქნება თავიც მოიკლა, როდესაც გაიგო ტასიკოს დაღუპვის ამბავი. ხომ უყვარდა ჩემი ქალი, იქნება დადის უგზო-უკლოდ და უიმედოდ დაეძებს დაკარგულს. არ ვიცი! ვინ რას მეტყვის ცოცხლივ დამარხულს.... თუნდაც ცოცხალი იყოს ფარნაოზი და ახლოც, როგორ გადავცემ ჩემ საიდუმლოს? ჩემთან ხომ არავის უშვებენ, არც ნებას მაძლევენ წიგნი მივწერო ვისმე. თუნდაც მომცენ ნება, განა შეიძლება ვანდო ქალადს საიდუმლო? როსტომს რომ ჩაუვარდეს ხელში წერილი, ხომ აპოვინებს ქალს და შეურაცხყოფს,— ფიქრობდა პატიმარი პრუნავდა მოუსვენრად. — სწორედ ტვინს შევანთხევ ამ ყველა კედლებს, თუ არ მეშინოდეს, რომ საფლავში ჩამყვება საიდუმლო და სამუდამოდ დამედუღება ქალი! ტასიკო ჩემო! იქნები აღარც კი ხარ ცოცხალი, იქნება მიწას ამოჰფარებინარ შეგს... იქნება არსებობ სადმე მანდილ მოხდილი, შეურაცხყოფილი... ყაფლან არსიანელის ქალი შეგინებული?! სიკვდილი გირჩევნია, სიკვდილი! მინც უთუოდ თავს მოიკლავდი. ახ, მითხარ, გამაგონე, შეილო საყვარელო, ცოცხალი გიგულო სადმე გაჭირვებული თუ მკვდარი? ნიავს დააბარე ამბავი შენი: ის შემომიტანს მე სარკმლიდან; უთხარ მზის სხივს, უამბე: ის შემომიუქებს დილით და მომიტ-



ახალი იარაღი ხარბის ურემში შესაბამელად

ციფრების ახსნა: 1—რკინის საშუბლე რეზინით ან რბილი ტყავით. 2—ყელის ხამუთის მსგავსი ქამარი დიშლაზე მისაბმელად. 3—შუა მოსართავი შესაბმელ ჯაჭვის და ოყების დასაჭერად. 4—შესაბმელი ჯაჭვი ან თავი. 5—ოყები. 6—დიშლის ჯაჭვი.



წვერ-შლვაშიანი ძალი ტატიანა გრიგორიშვილი,

გორიანის გუბერნიის მცხოვრები, 29 წლისა. წვერი ამოუვიდა გათხოვების შემდეგ, როდესაც 20 წლისა შესრულდა.

ხრობს შენს გასაპირს; ცრემლად ჩაწვეთე დარდი შენი მღინარეს — ის მომიტანს აქ, მიამბობს“.

მაგრამ არც მზის სხივს შეჰქონდა მასთან ტასიკოს ამბავი, არც დილის ნიავს, არც მტკვარი მოუთხოვდა რასმე ტასიკოზე. იყო ყაფიანი მიჯაჭული, უიმედო, სევდიანი, საპყარი. უბედურებამ დაჰქროლა არსიანელის ბედნიერ ოჯახს, გაანიავა და გაჰფანტა იგი; სევდის ისრით გაუგმირა გული თვითველ წვერს ოჯახისას.

ვინ იცის, კიდევ მოიწმინდება მათთვის ცა ლაქვარდი, კიდევ ამოვა მათთვის ბრწყინვილე მზე სიხარულისა, თუ მოისპო მათთვის კეთილი და უნდა აღიგაონ პირისაგან ქვეყანისა?

ვ. ბარნოვი

(შემდეგი იქნება)

ახალი იარაღი ხარების ურემში უმსაბამლად


ბევრ კარგ გამოგონებასთან საზღვარ-გარედ საქონლის უფრო მოხერხებული შებმაც გამოუგონიათ. კისრის მაგივრად საზღვარ-გარედ საქონელს ურემს შებლით აწვევინებენ. ზემოაღნიშნული სურათი ნათელ ჰყოფს იქაურ შესაბმელ იარაღს და მართულბას. თუმცა ასეთი შებმა, როგორც იწერება კერძანაში

მოსწავლე სტუდენტი, ჩვენ ხის უდელთან შედარებით ძვირად ჯდება, მაგრამ შედარებით და გამწვობს საქონელს იმდენად ემატება, რომ ეს სიძვირე შესაბმელ იარაღისა ახგარში ჩასაგდები არ არის (უდელ ხარის იარაღი დირს 20 მანეთად, საუკეთესო მასალისაგან გაკეთებული — 25 მან.). გამოკვლეულია, ასეთი შებმა საქონელს მუშაობაში ჰმატებს 30%-ის გამწვობის ძალას.

ჩვენებურ ორ-თვალა ურემს ასეთი იარაღი ვერ მოუდგება. ამ იარაღისთვის უსათუოდ საჭიროა ოთხ თვალა ურემი ან ორუგუნი, რასაც მანგლისის და ქიზიუის ქართველების ცხოვრებაში თითქმის მოუკიდებია კიდევ ფეხი.



საჭიროა ახლა მხოლოდ ცდა და ხალხის დარწმუნება ახნაირ შებმის უპირატესობაში. სამეურნეო საზოგადოებამ ან წინამძღვარიანთ სკოლამ რომ შეიძინონ სანიმუშოდ ეს შესაბმელი იარაღი და სცადონ, იქნება სასარგებლო წასაბაძი მაგალითი უჩვენონ ჩვენს გლეხობას, რომელსაც საქონელი გაჭირვებისა და უსახსრობისაგან ისე გადაუგვარდა, რომ უდელ ხარს ძლივს ჩამააქვს ქადაქში ოცი, ოცდაათი დერი წვივის სისქე შემა. თუ ამაზე შიძიე ბარკის წაღებ-წამოღება დაგჭირდათ, თქვენი მტერი, ჩვენ ტალახიან და საფლობ გზების გადაშვიდე, უსათუოდ უნდა აჩინხლოთ ევგარი, სამ უდელი და ხანდახან ოთხ უდელი ხარ-კამეჩი. ვისაც საკუთარი ჰქვავს, კიდევ კარგი, ვისაც არა ჰქვავს, უნებლიედ უნდა გადააბას მეზობლის საქონელთან და მცირე რაღაც ქირა შუაზე გაუფოს.

მარნეული.



ბავშვების სკოლაში წაჰყანა საფრანგეთში

საფრანგეთში მშობლები მოვალენი არიან უყვლა თავიანთ ბავშვები, ვაჟი თუ ქალი, სკოლაში ატარონ, წინააღმდეგ შემთხვევაში ისინი ისჯებიან კანონის ძალით. ზოგან-კი, მეტადრე ჩრდილოეთ საფრანგეთში, სადაც გძელი და სუსხიანი ზამთარი იცის, დიდი თოვლი ძვეს ხოლმე გზებზე, ცივი ქარი ჰქრის და ჯანეი ჰყოფავს მზესა, ამ მშობლებს, რომელნიც შორსა სდგანან სკოლიდან, ძლიერ უჭირდებათ თავიანთ მოვალეობის შესრულება. ამიტომ მთავრობამ მოაწყო სახელმწიფო ეტლები, რომლებიც უფრედ დიდას დაივლიან ხოლმე სკოლას დაშორებულ სოფლებს, იქაური ბავშვები მიჰყავთ სკოლაში და სწავლის შემდეგ ისევ თავ-თავიანთ სახლებში აბრუნებენ.



მოსავის ამსკოპრიატია